



Шогмо эл, порымш да гим верг!

Будь готов/ ЯМДЕ ЛИИ

1933 ий 1 февраль годсек лектеш.

0+

Фотопроект



Фотом еш архив гыч налме.



Лудса:

21 февральыште Йошкар-Олаште шочмо марий йылме, марий литератур, кугыжаныш марий йылме, ИКН предмет-влак дене республикысе олимпиаде эртаралтын. **3**

Йӱлаш пурышо «Кугезе вож» фестиваль-пайрем гыч репортажым темлена. **4**

Пӱртӱсым йӱратада? Тугеже тиде лаштык – тыланда. **5**

Ныл йолан изи йолташна-влак нерген йоча-влак мом возат? **6**

Таче – тельн пытаргыш кечыже. А те лум мӱчӱрым ыштен шуктенда? **7**

ПОДПИСКЕ Электрон

подпискылан 89024668399 телефон номерышке оксам пыштыман, yamde_lii@mail.ru адресыш лӱмнердам возен колтыман. Ак – 150 тенге.



Рекламе.

Фотошто: Волжский район Пӱтъял школышто тунемше изак-шӱжарак Антон (8-ше «Б» кл.) ден Юлия (7-ше кл.) Тимофеевмыт. Нуно тельым ече дене коштыт, кенежым куржталыт. Юлиан 86 медальже уло, Антонын – 65. Тренерышт – А.А.Семенов ден М.С.Тимофеев. Антон ден Юлия районышто, республикыште веле огул, Татарстан Республикыште эртаралтше спорт мероприятийлаште сенымашке шуыт. Озангысе юношеский марафонышто коктынат 1-ше верыш лектыныт. Изак-шӱжарак «Российын ечыгорныжо-2020» районысо тӱшка тагасымаште икымше лийыныт. Юлия «Артек» тӱнямбал йоча рӱдерыште эртаралтше Всероссийский физкультур да спорт комплексын кенеж фестиваль-жын финалыштыже лийын.

Геройым шарнена



Конганур школышто 13 февральыште ече дене танасымаш эртаралтын. Тудо выпускник Л.Акпулатовлан пӧлеклалтын. Лач тиде кечын – тудын шочмо кечыже. Ила гын, Леонид Викторович 54 ийым тема ыле. Но Афган сарыште душманын пуляже тудын ўмыржым кўрлын. Тиде 1985 ий 27 майыште лийын. Колымекыже, Йошкар Шўдыр орден дене палемдалтын. Конганур школысо пионер дружине тудын лўмжым нумалын.

Ече дене танасымаш нерген увер район мучко шарлен. Садлан изижат-кугужат ушне-ныт. Сеныше-

влак диплом да медаль дене палемдалтыныт.

**Аделина
ЛЕУХИНА.**

**Кужэнер район.
Снимкыште:
таңасымаш
годым.**



«Спорт – норма жизни»



Национальные проекты
Демография

федерал проект кыш-карыште Марий Эл Республикысе спортын ий ўмбалысе видше-влак дене спорт школлан хоккей дене модаш тўрлӧ арверым налаш 25 миллион 510,2 тўжем тентем ойырат. Тачысе кечын тиде школышто хоккей, фигурный мунчалтымаш, шорт-трек дене 262 спортсмен шуаралтеш. Нунын кокла гыч – 154 хоккеист. Тыгаяк школ-влак Марий Турек районьшто да Волжск олаште улыт.

Ўярня

теле пытyme да шошо толмо нерген шижтара. Пайремын пытартыш кечынже «Ўярня, кай! Вес ийлан адак тол!» кычкыреныт. Ўзгар-влакым йўлатыме ломыжым пасушко шавеныт.



**Гриппым
ОРВИ деч
кузе
ойыраш?
ОРВИ:**

- $t \leq 38^{\circ}\text{C}$.
- Тўрвынчыкта, нерге возеш, логар, вуй корштат, кокырыкта.
- Писын ноода, омо уке.
- Бронхитыш, гайморитыш, тон-

зиллитыш куснен кертеш.

Грипп:

- $t=39-40^{\circ}\text{C}$.
- Чытырыкта, вуй, лу корштат.
- Шинча коршта, йошкарга.
- Нер петырна, нерге 2-3 кече шуйна.
- Логар йошкарга да коршта.
- Пневмонияш, отитыш, гайморитыш куснен кертеш.

Черланаш огыл маньн, аскорбиновый кислотам йўза, чеснок ден шоганым кочса. Яндар южышто лияш тыршыза!

26 февральыште Историй да археологий тоштерыште (Йошкар-Ола) «Музейный мир Республики Марий Эл» кнган презентаций-же лийын. Тудо Марий Эл Республикын 100 ияш лўмгечыжлан пӧлеклалтше трилогийын кокымшо кнгаже. Икымше ужаш «Марий кундем – Российын ямже» маналтеш. Кумшо кнга Марий Элысе театр-влак нерген лиеш.



Историйым шергалына

1799 ий 3 мартыште руш эскадр Средиземный тенгызысе Корфу орым сенген налын. Кумдан чапланыше флотоводец, вице-адмирал Фёдор Фёдорович Ушаковын пенгыдын да моштен вуйлатымыжлан кӧра руш эскадр сенымашке шуын. Тунам Корфу орым виан француз гарнизон арален.

Марий Элысе выпускник-влакым Россий ФСИН-ын институтлашкыже тунемаш ўжыт. Тений Марий Эллан 11 верым ойыреныт. Рязань, Псков, Самаре, Владимир, Пермь олаласе вузлашке тунемаш пураш лиеш. (8362) 68-69-17, (8362) 68-65-84 телефон номерла дене йынтыртен, ешартыш уверым пален налза.

11 апрельыште Йошкар-Оласе «Инфотех» лицейыште физике, математике да индустриальный программирования дene «iSpring.Вызов-2020» олимпиаде лиеш. Тудо Космонавтикын кечыжлан пӧлеклалтеш. Танасымашке 5-11-ше класслаште тунемше-влак ушнен кертыт. Олимпиадыш ушнаш йодмашым 30 март марте infotech12.ru/olympiad.php сайтыште пуыман.

Республикысе руш тўвыра рўдер Йошкар-Оласе да Марий епархий дene пырля «Волшебное русское слово» регион-влак коклаше сынымут конкурсым эртарат. Шонкалымашан сочиненийым Марий Эллан 100 ий, Сенымашлан 75 ий теммылан да православий нерген возаш лиеш. Конкурсыш ушнаш йодмашым да сочиненийым 10 апрель марте centruskult@rambler.ru, rck12@mail.ru электрон почтылашке колтыман.

2

«Ямде лий» 2020 ий 29 февраль



Д.ЗАХАРОВА.



А.КОНАКОВА.



В.КУШАКОВА.



А.АЛЕКСЕЕВА.

Шинчымашым тергыше тагасымаш

21 февральште Йошкар-Олаште шочмо марий йылме, марий литератур, кугыжаныш марий йылме, ИКН предмет-влак дене республикысе олимпиаде эртаралтын. Тушто 9-11-ше класслаште тунемше, районштышт сенгышыш лекше 101 ўдыр-рвезе уш-акылжым терген. Нуным Марий Эл Республикысе образований да науко министрын алмаштышыже Н.Б.Антоничева, Тўвыра, печать да калык-влакын пашашт шотышто министерствын пўлка вуйлатышыже И.Г.Садовин, МарГУ-н Калыкле тўвыра да тўвыра кокласе коммуникаций институтын вуйлатышыже Р.И.Чузаев, В.М.Васильев лўмеш МарНИИЯЛИ-н директоржын алмаштышыже Л.Я.Григорьева саламленит. Олимпиаде – тунемшын шинчымашыжым да туныктышын паша лектышыжым тергыше тагасымаш. Теният Советский районысо ўшнўр школышто марий йылмым да литературым туныктышо З.А.Волкован тунемшыже-влак кўкшў лектышым ончыктенит, **икымше верыш лектыныт:** Александра Морозова (11-ше кл., марий йылме), марий литератур дене Людмила Гребнева (9-ше кл.), Кристина Чеботарь (10-шо кл.), Валентина Кушакова (11-ше кл.).

Тыгак марий йылме дене Дарья Захарова (9-ше кл., Волжский, Карай) да Анжелика Конакова (10-шо кл., Шернур, Марисола) ойыртемалтыныт.

Кугыжаныш марий йылме дене сенгыше-влак:

Анна Алексеева (9-ше кл., 1-ше №-ан Морко школ);
Яна Ефремова (10-шо кл., Кужэгер, Руш Шой школ);
Анна Зорина (11-ше кл., 2-шо №-ан Шернур школ).

ИКН дене сенгышыш лектыныт:

Мария Зверева (9-ше кл., Звенигово, 2-шо №-ан Красногорский школ);
Алексей Виногоров (10-шо кл., 3-шо №-ан Советский школ);
Алексей Тришков (11-ше кл., 1-ше №-ан Звенигово школ).

Шочмо марий йылме да литератур дене сенгыше-влак теҥгече, 28 февральште, Йошкар-Олаште регион-влак кокласе олимпиадыште таҥасеныт. Олимпиадын лектышыжым вес номерыште лудса.

Л.ГРИГОРЬЕВА.

Авторын фотожо-влак.



Михаил Якимов лўмеш

Якимовлан пўлеклалтын. Конкурсыш Матародо, Элпанур, Усола, Кугу Пумарий, Янгетсола школла гыч йоча-влак ушненит. Нуно почеламут-влакым сылнын лудыныт, а ончаш толшо-влак шокшо кидсовыш дене вашлийыныт. Сенгыше-влакым (снимкыште) диплом дене палемденит.

А.В.МОРОЗОВА, туныктышо.

Г.РУБЛЇВАН фотожо.

21 февральште Параньга район Матародо школышто «Якимов лудмаш» район кўкшытан конкурс эртаралтын. Тудо Янгетсола ялын шочшыжо, мутмастар Михаил



Шочмо йылме

Марий йылме – шочмо йылме, Пешак тыйым пагалем. Изинек тунемме йылмым Уло кертмын аралем. Кушкамат, каем олашке Тунемаш, пашам ышташ. Тўрлў калык-влак коклаште Тый кодат эн сай йолташ. Марий йылме – мотор йылме, Тыйым мый моктен мурем. Улат авам гаяк

лач лишыл,
Тый денет мый кугешнем!
Сергей АШКЕЛЬДИН.

Волжский, Шарача.

«Ямде лий» 2020 ий 29 февраль





«Кугезе вож» республикысе фестиваль 19 февральыште Оршанке посёлкышто эртаралтын. Тушко йоча да самырык-влакын фольклор коллективышт, театр студийышт чумыргеныт. Волжский, Куржмарий, Звенигово, Кужэнер, Марий Турек, Медведево, Морко, У Торъял, Шернур, Советский, Оршанке районла гыч тунемше-влак толынтыт.



Тукым гыч – тукымыш

Советский район
Кужмарий селасе клуб пелен улшо «Кугезе вож» йоча фольклор ансамбльыш коштышо ўдыр-рвезе-влак эн изи ийготан лийыныт. Нуно «Фольклор минут» миниатюрым ончыктеныт. Ньога-влак сценыште ош лыве гай чўчкеныт, муреныт, куштеныт, йомакым каласкаленыт.



– Ансамбльын тиде составшым кодшо ийын чумырымо. «Эр ўжара» фольклор ансамбльыш коштышо артист-влакын икшывыштыт улыт, – ойла вуйлатыше В.Н.Ефремова. – Пайрем йўла, койыш-шоктыш нерген йоча-влак ачаыт-аваыт деч пален налыт. Пырля репетицийыш коштыныт, изирак сценкылаште модыныт. Йоча-влак кушташ, мураш моткоч йўратат. Тидлан нуным М.В.Назарова кумыландда.



Звенигово район
Нуктыж тўвыра пўрт пеленысе «Куткыеш» драмкружокыш коштышо Марина Макарова ден кружокан вуйлатыше Е.А.Юнсова (тудо кован рольжым модын) илыш-йўла дене кылдалтыше ужаышым модын ончыктеныт. «Йылмым йодмаш йўла» маналтеш. – Мутланен моштыдымо йочалан йылмым йодаш вўд воктеке миенна. Икшыве чынжымак кутыраш тўналын, – ойла Елена Андреяновна.

У Торъял районысо Элембай ял клуб пелен «Живая старина» йоча фольклор ансамбль шукертак пашам ышта. Вуйлатышыже – Т.Н.Мосунова. Ўдыр-рвезе-влак Шернур посёлкышто эртаралтыше «Волшебный сундучок» фестивалыште кок ий почела сеньше лийыныт. «Кугезе вож» фестивалыште мастарлыкыштым кажне ийын ончыктат. Тений «По Ивашке и рубашка» театрализованнй модмаш дене калык ончыко лектыныт. Руш калык коклаште чўчкыдын вашлиялтше Ваня нерген ятыр калыкмутым, мыскарам ойленыт.



Фестивалыым Марий Эл Республикысе калык усталык да культурканыш паша шотышто шанче-методике рўдер эртарен.

Участник-влакын пашаыштым жюри икмыняр номинацийыште аклен: «Эн сай сценарий», «Эн сай возымо паша» (реферат), «Сценыште ончыктымо эн сай программе», «Фольклор произведенийым эн сайын модын ончыктышо».

Морко район
Шордўр

школын тунемшыже Илона Александрова «Имне кўтымаште – калык модыш, йомак да миф-влак» рефератым арален.

– Туныктышем Н.Л.Кудряшова калык йўла, модыш нерген шуко каласкален. Ожнысо илыш нерген пален налаш моткоч онай. Мый шуко книгаг лудынам, коча-кова-влак деч йодыштынам. Пален налме-мым рефератыш чумыренам, – ойла Илона.



Йошкар-Оласе 27-ше номеран «Светлячок» йоча садын «Сверчок» группышкыжо коштшо йоча-влак «Кайыклан полшем» республиканский экологий акцияшке ушненыт. Акцияым «Кугу Какшан» заповедник эртарат. Нюга-влак ачашт дене пырля түрлө кормушкым ямдыленыт (**снимкыште**). Тыгай сомыл икшыве ден кугыен кокласе вашкылым пентгыдемда,

йоча пашалан тунемеш, пүртүсым пагалаш, шулдыран йолташ-влаклан полшаш кумылангеш. Йоча-влакын кормушкыштым заповедник кумдыкышто сакалтат.

Икшыве-влак могай



Кайыклан – кочмывер



кайыкыномом кочкаш йоратымыжым «Кайык – мемнан йолташна» урокышто пален налыныт. Кисалан коя падырашым пыштат, пөрткайыклан – шүрашым, кинде пудыргым. Өрш йошкар түсан кочкышым: пызлыгычкым, поланым – куанен чўнга, ваштар, писте, сирень, нөллө кичке-влакым кычалеш.

М.И.ФИЛИПОВА, воспитатель.
Л.ГРИГОРЬЕВАН фотожо.



Мый телефоныш фотографироватлаш йоратем, сандене пүртүс вашталттым эре эскерем. Мутлан, лум вочмым, пушенге лўнгалттым. Але тебе олмапушто лышташ йоген пытен, а олма-влак кечат, нуно кайык гай веле койыт – чыла тидым фотографироватленам.

Анжилина ЧУЛКОВА,
У Торъял, Кузнеч.

Пүртүсыштө сай

Морко район гыч возат.

Сонарзым эскеренам

Мый Шап Унчо ялыште илем. Ялыштына памаш уло. Кенежым памаш воктене класс дене каненна. Туныктышына легендым каласкален. Кечываллан кож воктене шокшо чайым йўынна, пўнчерыште яндар южым шўленна. Мыланем пүртүсыштө кошташ моткоч келшен.

Максим СТЕПАНОВ,
Шап Унчо.

Шольым дене пакчаште лум чонгам ыштен модмына годым пасушто сонарзым ужна. Тудо, пычалжым ончыко виктарен, ала-мом пеш ончыштеш. Ик жап гыч пудештарыме йўк шоктыш. Сонарзе биноклым лукто, ончыш да мөнгө вельш тарваныш. Шольым дене, ечым чиен, пасушко чымалтна. Мераг кышам верештмеке, почешыже кайышна. Кенета шольым чот кычкырале, мый содор тудын вельш мийышым. Ончена: сусыргышо мераг кия. Тудым мөнгө кондышна.

Тимур СЕМЁНОВ.

Арын.



Пүртүс – тиде йырым-йырысе тўня. Тудо чыла чонанлан илышым пуа. Сандене пүртүс дене келшен илыман. Тудым умылаш тыршыман.

Яна ДМИТРИЕВА,
Коркатово.

Тўняште **Огай** эн шонго пушенге Калифорнийште кушкеш. Тудо 5000 наре ияш. Эн кужу пушенгын кўкшытшө – 115,61 метр.



«Кугу Какшан» заповедникыште кайык ден янлык-влакым шотленят.

Тидын нерген шанче пөлкан шанче пашаенже **Г.БОГДАНОВ** каласкала:

– Заповедник кумдыкышто 15-17 наре шордо ила. Ирсосна-влакын кышаштым ужын огынал. Тений пире-влакынат кышашт уке. Ондак нуно (4-6 пире) Кугу Какшан гоч йўдвел могырыш каят ыле. Тебе шурманшын кышажым шекланенна. Тидыже, очыни, мераг-влакын шуко улмышт дене кылдалтын. Ме кок ошмерангым, 11 пурсакмерангым, 6 луйым, 5 урым, 3 рывыж ден коляйосым, 2 роклуй ден 1 йосым ужынна. Энгерыште вўдкома ден умдыр-влакын кышашт койыныт. Икмыняр ий почела шашкым ужын огынал. Ий гыч ийыш рывыж-влакын чотышт кугемеш.

«Ямде лий» 2020 ий 29 февраль





Бони ден Стефан

Ик эрдене мален кынелым. Ончем – кок черепахе (снимкыште). Тиде омо але чын, улылен ом керт. Авам каласыш: «Тиде тыланет пөлек, үдырем». Мый моткоч куанышым. Тунамак нунылан лүмым шонен муым: Бони ден Стефан. Черепахе-влак изи, но мотор улыт. Нуно шукыж годым вүдыштö ийын коштыт. Яллаште черепахым шагалын ончат. Нуным ончен мошташ кўлеш. Ме черепахе-влак келшыше кочкышым кевытыште налына. Мый пукшем, нунын почеш эрыктем. А изи йолташем-влак мыланем тауштат.

Катя ИВАНОВА.

Медведево, Турша.

Тўняште эн кугу черепахе – кожистый. Кужытшо – 2 метр, нелытше – 916 килограмм наре.



Василиса, мяу-у!

Пырысемын лүмжö – Василиса. Тудо модаш моткоч йората. Тамле кочкышым пуымынам веле вуча. От пу гын, «Мяу, мяу-у-у» манын йодеш. Мый вуйжо гыч ниялтемат, шöрым темен пуэм.

Вика СИЛЬВЕСТРОВА.
Национальный президент школ-интернат.

Васька


пырыс йолагай,

Васька пырыс пеш онай:
Ик шагатлан трук кынелын,
Кокытлан сосискым нелын,
Лайым кумытлан «ниялын»,
Шүрым нылытлан нулалын,
Визытлан улнен пöрдалын,
Кудытлан кол лум нумалын,
Шымытлан коля ден модын,
Кандашлан озаж йыр пöрдын,
Индешлан колыштын йомакым.
Лу шагат – малаш шунгалтын.

Умылтарымаш: шотлеммут почеш модашат лиеш. Мутлан, тўрлö персонажлан шелалтын, лу сценкылан келыштарен, келшыше арверым, вургемым муын, «Васька пырысым» модын ончыкташ.

В.КРЫЛОВ.

Шотлеммут



1 март – Пырыс-влакын тўнямбал кечышт.

Шустрик пырысем онай да мотор. Капыштыже кум тўрлö тўс уло. Тудо пеш чулым. Садлан Шустрик лүмым пуэнна. Мый пырысем дене модаш йöратем, уремыш луктам. Тудо мыйын почешем кудальштеш.

Даниил ЯМБАРШЕВ.

Мыйын Кети лүман пырысем уло. Тудо шем-йошкарге тўсан. Кети модаш куана. Мый тудлан шöрым, шүрым да молымат пукшем. Мый изи пырысым пешак йöратем.

Антон АБРАМОВ.
Шернур, Лажъял.

Лев келша

Янлык кокла гыч мыланем лев келша. Тудо кугу, мотор, ушан да виан. Таклан огыл янлык-влакым вуйлата. Лев Африкыште ила. Мый левым циркыште ужаш понем.


Ульяна АЛЕКСЕЕВА.

Морко, Коркатово.

Йöратыме Мухтар

Мыйын йолташем – влак мöнгыштышт пырысым, колым, куголям ашнат. А мый пийым йöратем. Тудын лүмжö – Мухтар, но ме тудым Муха лүмдена. Мухтар – немыч овчарке. Мемнан сургышто изинек ила. Тудлан кызыт – кум ий. Муха – пеш сай пий. Тудо мемнам пиаланым ышта, куандара. Мухтар – сай йолташ. Мый тудым йöратем!

Есения ЛАРИОНОВА.
Медведево, Шойбулак.



«Ямде лий» 2020 ий 29 февраль

Пий-влакын кузе шогымыштым, ончалтышыштым ончен, койыш-шоктышыштым пален налза.

Көлан «визыт», көлан «поч»

«АН» рифме дене

Только школ гычын Эчан.
Кече таче пеш кечан!
Уремышке модаш лекман.
Пычкемыш – мөнгө пурыман.
Эх, урокым ыштыман.
Омо темда – малыман.
Паша кодо шенгелан.
Лудеш, воза, тырша Роман.
Чыла ямде урокчан.
Эр. Уэш школыш кайыман.
Куанен кая Роман,
Ойгырен кая Эчан.
Урок кодо шенгелан.
Дневникиште Романын –
кум «визытан»!
Дневникиште Эчанын –
кум «почан»!
– Тунемман але модман? –
Ынде пеш шона Эчан.
Л.СОШИН.

4 март – Йүкын лудмо кече.



Сүретым чиялте.

Уремыште – теле

Февраль тылзе. Теле пагытын мучашыжат шуэш. Лум лумеш. Уремыште тений пеш йүштыжак ыш лий. Але лумжым кузе вучен шуктышна. Теве ен-влак лумынат куаш лектыч. Мыят лум йогымым ужым да уремыш лектын ончалым: тушто пеш мотор. Куанен мөнгө куржын пурышым да школыш каяш ямдылалтым. Сумкаш опымеке, корныш тарванышым. Школ корнем пүя умбачын эрта.

Синк-вейн

Теле

Луман, йүштө.

Кылмыкта, куандара, öрыктара.

Теле – мланде канымаш.

Лум.

Дана АКТАНАЕВА.

Советский, Кельмаксола.

Кирилл НИКОЛАЕВ.
Морко, Шүргыял.

Йүдым вочшо
лум кая
гынат, йөршеш
ок пыте.

Тер йүшты-
лан кычыр-
кычыр мура.



Элика
ТОКТАРОВА.
Шернур
посёлко.

Арина ден
София
СЕРГЕЕВАМЫТ.
Кужэгер
посёлко.



Тушто

Унчыли
кечалтын,
шортын
вашлиеш
йомартле
шошым.

«Ямде лий» 2020 ий 29 февраль



Индекс: П4696.
Тираж 1150 экз. Заказ
Формат – А-4-8.
Түн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашаштотышто министерстве, «Ямде лий» газет» кугыжаныш унитарный казна предприятий.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымыште законодательствым шуктен шогымым эскерыше Федеральный службын Приволжский федеральный округысо управленийшытыже регистрироватлыме.

Номер – ПИ №ФС 18-1999,
2005 ий 10 февральшыте пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымашышт түрлө лийын кертыт. Серыш-влак мөнгеш огыт колталат.
Ак – кутырен келшыме почеш.

Редакцийын да издателын адресше:
424006, Йошкар-Ола, СССР Вооружённый Вийын 70-ше идалькше урем, 20-шо порт.
Тел. 8(8362) 45-22-82(факс)



Конганур

школ пеленысе йочасадыш коштшо
 ньога-влак яндар южышто модаш моткоч йора-
 тат. Нунылан түрлө түс дене чиялтыме курык гыч мун-
 чалташ, шонанпыл түсан пирамиде йыр куржталаш,
 лум гыч ыштыме орышто модаш келша. Коклан ече
 дене коштыт, лумъенгым ыштат.


В.С.ГЛУШКОВА, воспитатель.
Кужэгер район.




— Кө доска дек
 икымше лектеш — туд-
 лан ик баллан кугурак
 отметкым шындем, —
 ойла Марья Ивановна.
 — Мый ошкылам.
 Мылам «кумытаным»
 шындыза, — вачешта
 Мичу.

«Ом пале, мо дене те
 Нина Васильевналан кел-
 шенда, но тудо адак тендам
 школыш үжеш», — Вичу
 ача-аважлан ойла.

**Нине кубик-влак гыч
 мыняр фигурым ыштыме?**



Точко
 олмеш
 могай циф-
 рым шын-
 дыман?



Ик шырпым верже
 дене вашталтен, чын
 вашмутым ыштыза.

Модыш

БОМ

Тунемше-влак черет дене числам
 каласат: 1,2,3,4,5... Көлан черет
 5,10,15,20 (але кажне 5 цифр гочын)
 числалан логалеш, числам ойлыде,
 «БОМ!» манын кычкыралман.

Модшо трук тыге ойлаш монден колта
 гын, модыш гыч лектеш.

Модмашым, 3-5 йоча кодмеке гына,
 чарныман.



«Ямде лий» 2020 ий 29 февраль

Интернетсе сүрет-влакым кучылтмо.

Йолташем

Мыйын йолташем —
 Даша. Тудо ушан да поро
 ўдыр. Шуко йодышлан ваш-
 мутым пала. Даша дене уре-
 мыште модаш йоратена.
 Пырля куржталына, лум
 мочорым ыштена. Йолташем
 пелен нигунам йокрок огыл.

Милана ИВАНОВА.
Морко, Коркатово.



Кугыжан ўдыр-влак
 балыш каяш ямдылалтыт.
 Нунылан мотор макияжым
 сүретле.



Кудо маска мүй деке эн ондак миен шуэш?